

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02-642/13
Vareš, 06.06.2013 godine

OPĆINSKO VIJEĆE
VAREŠ

P R O G R A M

UTROŠKA SREDSTAVA SA KRITERIJIMA RASPODJELE SREDSTAVA "SUBVENCije ZA RAZVOJ POLJOPRIVREDE" UTVRĐENIH BUDŽETOM OPĆINE VAREŠ ZA 2013. GODINU

Podaci o Programu:

Program odobren od strane Općinskog načelnika	dana 05.06.2013. godine
Period realizacije Programa:	2013. godina
Kraj roka realizacije:	31.12.2013. godine
Ukupna vrijednost Programa:	35.000,00 KM

I - UVOD:

Vrijednost Programa poticajnih mjera za 2013. Godinu je sljedeći:

Federacija BiH 68.500.000,00 KM,

Zeničko-dobojski kanton 1.000.000,00 KM.

Prije početka izrade programa poticajnih mjera postignut je dogovor o harmonizaciji poticaja, u smislu da nema preklapanja federalnih, kantonalnih i općinskih poticaja.

Obzirom na uslove naše lokalne zajednice u kojima se obavlja poljoprivredna proizvodnja (usitnjenost posjeda, navike ljudi i dr.) malo je poljoprivrednika koji po svom obimu proizvodnje mogu ostvariti novčane podrške po Federalnim ili Kantonalnim Programima poticajnih mjera. Zbog toga je potrebno da se u Budžetu Općine planiraju sredstva za novčane podrške poljoprivrednim proizvođačima. Takođe u okviru Razvojnog cilja II.3.d. Razvojne strategije Općine Vareš u kojoj poljoprivredna proizvodnja zauzima značajno mjesto s ciljem ostanka na selu i

adresa: Zvijezda 34, 71330 Vareš
tel: 00387 32 848 100
fax: 00387 32 848 150

depozitni broj: 3380002210017420
web: www.vares.info
e-mail: vares@bih.net.ba



povećanja zaposlenosti a samim tim i povećanja životnog standarda stanovništva ruralnih područja. Stvaranjem povoljnog ambijenta za razvoj poljoprivrede, seoskog i eko turizma definisan je i operativni cilj "Unaprijediti uslove za razvoj poljoprivredne proizvodnje u općini Vareš kroz program "Uvođenje poticajnih mjera Općine za podršku poljoprivredi".

U tom smislu u okviru Općinskog Budžeta u ovoj godini je izdvojen određeni iznos sredstava za ovu namjenu, tako da je Budžetom za 2013. godinu planiran i iznos za Program poticajnih mjera u poljoprivredi od 25.000 KM.

U izradi Programa za 2013. godinu uvažavali su se slijedeći parametri:

- proizvodne resursne mogućnosti Općine Vareš,
- programske obaveze Općinskog načelnika,
- analiza Programa novčanih podrški FBiH,
- analiza Programa novčanih podrški Ze-do kantona,
- sugestije učesnika u sektoru poljoprivrede,
- podaci sa terena,
- visina sredstava koja su predviđena Budžetom Općine Vareš,
- ostale odrednice.

Na osnovu svih, u uvodu navedenih parametara, urađen je Program utroška sredstava sa kriterijima raspodjele sredstava "Subvencije za razvoj poljoprivrede", utvrđenih Budžetom Općine Vareš za 2013. godinu - stavka (konto) 614515.

II - KRITERIJI ZA RASPODJELU SREDSTAVA

Odobrena finansijska sredstva iz Budžeta Općine Vareš "Subvencije za razvoj poljoprivrede" će se raspoređivati prema slijedećim opštim i posebnim kriterijima i to:

1. Opšti kriteriji:

Pravo na ostvarivanje novčane podrške stiču

- korisnici sa stalnim prebivalištem na području Općine Vareš
- korisnici koji su ostvarili primarnu poljoprivrednu proizvodnju na teritoriji Općine Vareš.
- Korisnici koji su upisani u Registar PPG ili Registar klijenata u nadležnoj općinskoj službi

2. Posebni kriteriji

- korisnici koji po bilo kojem osnovu nisu izmirili svoje dugovanja prema općini Vareš neće moći ostvariti pravo na poticaje
- nepotpuni, neblagovremeni i izvan propisane procedure dostavljeni zahtjevi neće biti uzeti u razmatranje

- korisnici koji ispunjavaju posebno propisane kriterije predviđene ovim Programom i Uputstvom o ostvarivanju novčanih podrški za poljoprivrednu proizvodnju u 2013. godini, koje donosi Općinski načelnik.

A) Animalna proizvodnja

1. Farme za proizvodnju kravljeg mlijeka – Pravo na premiju imaju korisnici koji imaju tradiciju u držanju muznih krava i koji posjeduju na svom gazdinstvu od 2 do 4 muznih grla čiste pasminske linije (montafonska pasmina muznih krava, simentalska, holštajn-frizijska i druge čiste pasminske linije muznih krava). Podrška će se davati za najmanje 2, a najviše 4 muzna grla tj. do nivoa koji se potiče kroz Kantonalni program poticajnih mjera. Iznos podrške je 100.00 KM po muznoj kravi

2. Podrška u finansiranju mliječnih kartona – Pravo na podršku za sufinansiranje mliječnih kartona ostvarit će proizvođači mlijeka koji imaju prebivalište na području općine Vareš, a koji izraze interes za pregled zdravstvenog stanja svojih muznih grla. Iznos podrške za sufinansiranje izrade mliječnih kartona iznosi 15 KM/grlu i i ista će se ostvarivati putem Veterinarske stanice Vareš.

3. Osnovno stado ovaca – Pravo na premiju imaju korisnici koji imaju tradiciju u držanju ovaca i u osnovnom stadu imaju najmanje 25 odraslih ovaca (bez jagnjadi) pa do nivoa koji se potiče kroz Federalni program poticajnih mjera (50 i više). Podrška će se davati za osnovna stada koja broje najviše 49 odraslih ovaca (bez jagnjadi) tj. do nivoa koji se potiče kroz Federalni program poticajnih mjera. Iznos podrške je 7,00 KM/grlo.

4. Proizvodnja konzumnih jaja - Pravo na premiju imaju korisnici koji se bave proizvodnjom konzumnih jaja na vlastitom gazdinstvu. Podrška će se davati za one poljoprivredne proizvođače koji imaju u uzgoju namanje 300 koka nosilja pa do nivoa koji se potiče kroz Kantonalni poticaj (1500 i više). Iznos podršk je 0,40 KM po jednoj koki nosilji.

5. Zdravstvena zaštita pčelinjih društava – Pravo na ostvarivanje subvencije na pregled i zdravstvenu zaštitu pčelinjih zajednica bi ostvarivali svi pčelari putem Veterinarske stanice Vareš, a koji su članovi Udruženja pčelara „Polen“ Vareš. Pregledom bi bile obuhvaćene najznačajnije bolesti pčelinjih zajednica tj. ona oboljenja koja su obuhvaćena Naredbom o mjrama kontrole i suzbijanja zaraznih i parazitarne bolesti za 2013 godinu.

6. Zdravstvena zaštita životinja (goveda) - Pravo na ostvarivanje subvencije na pregled i zdravstvenu zaštitu goveda bi ostvarivali farmeri putem Veterinarske stanice Vareš, koji imaju u uzgoju kvalitetna muzna grla. Pregledom bi bila obuhvaćena najznačajnija bolest goveda antraks (crni prišt). Ovom mjerom bi bila obuhvaćena rubna sela općine Vareš u kojima nije rađena vakcinacija 2012 godine, a koja gravitiraju prema susjednim općinama a u kojima je ustanovljeno prisustvo antraksa tj. koja su distrikt ove bolesti. Iznos poticaja za vakcinaciju muznog grla je 10 KM po grlu.

7. Zdravstvena zaštita životinja (svinja) - Pravo na ostvarivanje subvencije na pregled i zdravstvenu zaštitu svinja u tovu će ostvarivali farmeri putem Veterinarske stanice Vareš, koji na svom gazdinstvu imaju u tovu svinje u toku 2013 godine. Pregledom bi bila obuhvaćena najznačajnija bolest svinja - svinjska kuga.

Iznos poticaja za vakcinaciju je 10 KM po grlu.

B) Biljna proizvodnja

1. Proizvodnja žitarica (pšenica, ječam, zob, raž, tritikale) - proizvođači koji na svojim imanjima ostvare u 2012/2013. godini samo jednu od, u zagradi navedenih proizvodnji (u monokulturi). Minimalna površina koja će se poticati je 0,2 ha a maksimalna 0,5 ha. Visina novčane podrške je: Pšenica 80,00 KM/dul, Ječam 50,00 KM/dul; Zob 50 KM/dul, Raž 50 KM/dul, Tritikale 50,00 KM/dul.

2. Proizvodnja povrća:

- Konzumni krompir – minimalna površina koja će se poticati je 0,2 ha, a maksimalna 0,5 ha. Iznos podrške za proizvodnju krompira je 50,00 KM/dul.

- luk crveni – minimalna površina koja će se poticati je 1 dulum, a maksimalna je 3 dulum. Iznos podrške je 50,00 KM/dul.

- luk bijeli – minimalna površina za podsticaj je 800 m², a maksimalna 2 dulum. . Iznos podrške je 70,00 KM/dul.

- grahi i grašak podržavat će se usjev graha i graška zasijan u površini od 1 do 2 dulum površine. Iznos novčane podrške za proizvodnju graha je 50,00 KM/dul.

- mrkva – minimalna površina koja će se podržavati je 700 m² a maksimalna 2 dulum. Iznos novčane podrške je 60,00 KM/dul.

Za salatu, špinat i zeleni luk novčana podrška neće se davati.

3. Proizvodnja povrća u plastenicima – Podršku za proizvodnju povrća u plastenicima mogu ostvariti poljoprivredni proizvođači sa područja općine Vareš koji zasnuju proizvodnju povrća u vlastitim plastenicima minimalne površine 50m²-100m² maksimalne površine. Zasnovana proizvodnja u plastenicima koji su predmet ove podrške mora biti na području općine Vareš. Visina podrške za zasnovanu proizvodnju je 1 KM/m²

4. Zasnivanje novih zasada voća (visokostablašica) – Podršku za zasnivanje novih zasada voća (visokostablašica – jabuka, kruška, šljiva, trešnja, višnja) mogu ostvariti poljoprivredni proizvođači sa područja općine Vareš (čije se parcele nalaze na području općine Vareš) koji na vlastitom zemljištu ili zemljištu uzetom pod zakup u najmanjem periodu od 10 godina zasade novi zasad voća (visokostablašica) u površini od 1 dunuma. Iznos podrške za poluintenzivne zasade je 250 KM/dunumu, a za intenzivne zasade je 450 KM/dunumu.

5. Zasnivanje novih zasada maline, kupine, borovnice, aronije i jagode – Podršku za zasnivanje novih zasada maline i kupine mogu ostvariti poljoprivredni proizvođači sa područja općine Vareš, čije se parcele nalaze na području općine Vareš i koji na vlastitom zemljištu ili zemljištu uzetom pod zakup u najmanjem periodu od 10 godina zasnuju proizvodnju gore navedenog jagodičastog voća u površini od 1-3 dunuma. Iznos podrške je 250 KM/dunumu

C) POSEBNA ULAGANJA

1. Podrška za očuvanje starih tradicionalnih zanata na području općine Vareš

Ovom stavkom poticaja općina Vareš nastoji očuvati i pospješiti razvoj starih tradicionalnih zanata koji su „zaštitni znak“ lokalne zajednice i po kojima je ista prepoznatljiva u BiH, ali i širem okruženju, a vezani su sa bavljanjem poljoprivrednom djelatnošću stanovništva u lokalnoj zajednici. Subvencija se odnosi na:

- izgradnja ili rekonstrukciju postojećih objekata u kojima se obavlja obrtnička djelatnost
- nabavku repromaterijala, opreme i mašina za obavljanje obrtničke djelatnosti pri izradi proizvoda koji su vezani za obavljanje poljoprivredne djelatnosti

Korisnici sredstava mogu biti obrtnici koji su registrovali obrtničku djelatnost u nadležnoj općinskoj službi prema Zakonu o obrtu („Sl. Novine FBiH“ , broj 52/02, 29/03 i 11/05) i Uredbe o zaštiti tradicionalnih i starih zanata („Sl. Novine FBiH“ , broj 35/09 i 66/09). Visina poticajnih sredstava će biti najviše 40% od iznosa prikazanog na računu podnosioca zahtjeva, ali ne viša od 2000 KM po podnosiocu zahtjeva.

III Način ostvarivanja novčanih podrški u primarnoj poljoprivrednoj proizvodnji

Novčane podrške u primarnoj poljoprivrednoj proizvodnji ostvaruju poljoprivredni proizvođači koji ispunjavaju uslove propisane ovim Programom i Uputstvom koje će donijeti općinski načelnik u roku od 10 dana od dana davanja saglasnosti od strane Općinskog vijeća Vareš na ovaj Program.

Poljoprivredni proizvođači podnose zahtjev sa propisanom dokumentacijom Službi nadležnoj za poslove poljoprivrede.

Nakon prijema zahtjeva Služba nadležna za poslove poljoprivrede utvrdit će njegovu formalno - pravnu ispravnost (opravdanost, potpunost i blagovremenost). Zahtjevi koji budu ispunjavali formalno-pravne uslove uputit će se komisiji koju će imenovati Općinski načelnik da utvrdi činjenice na terenu navedene u zahtjevu i o izvršenom uviđaju napraviti će pismeni zapisnik. Na osnovu zapisnika i druge priložene dokumentacije nadležna služba izvršit će obračun podrške i obavijestiti stranku o ostvarenom pravu. Zahtjevi koji ne ispunjavaju formalno-pravne uslove odbacit će se kao ne osnovani.

SVRHA PROGRAMA

Svrha Programa je:

- povećanje obima proizvodnje,
- zadovoljavanje potreba domaćeg (lokalnog) tržišta vlastitim poljoprivrednim proizvodima,
- obezbjeđenje sredstava i poljoprivrednih proizvoda za potrebe vlastitog domaćinstva,

- unaprijeđenje ruralnog razvoja.
- Poboljšanje uslova uzgoja domaćih životinja u lokalnoj zajednici sa ciljem uzgoja čistih pasminskih linija domaćih životinja u cilju proizvodnje zdrave hrane

Predviđene novčane podrške su ekonomskog karaktera koje priznaju robnu proizvodnju kod farmera i stvaraju uslove za prodaju proizvoda na domaćem tržištu

IV VISINA SREDSTAVA

Iznos sredstava odobrenih Budžetom Općine Vareš za 2013. godinu je 35.000 KM.

V IZVORI SREDSTAVA

Izvor sredstava za realizaciju Programa je Budžet Općine Vareš za 2013. godinu, u kojem su u članu 3, na poziciji – izdaci u proračunu - stavka (konto) 614515 Podsticaj za razvoj poljoprivrede i strategiju razvoja, planirana sredstva u iznosu od 35.000,00 KM.

VI REALIZACIJA PROGRAMA

Program će se realizovati po Uputstvu za ostvarivanje novčanih podrški za 2013 godinu sa potrebnim obrascima, koje će donijeti Općinski načelnik.

DOSTAVLJENO:

1 x Naslovu
1 x Arhiva

OPĆINSKI NAČELNIK

Kovačević Avdija, dipl. pravnik